

9787

1920

334.5(47.925)

Z-24

15

334.5
2-24

ՀԱՅԱՍՏԱՆԻ

ՍՊԱՌՈՂԱԿԱՆ ԿՈՍՏԵՐԱՏԻՆՆԵՐԻ ՄԻՈՒԹԵԱՆ

(ՀԱՅԿՈՐԴ)

ԿԱՆՈՆԱԴՐՈՒԹԻՒՆ

ՈՐ ՀՐԱՏԱՐԱԿՈՒԹՈՂ

(Փոփոխում և լրացում 1919 թ. նվազագույն ցուցանիսի ժողովի կողմից)

ՎԻՃԱԿ ԵՒ ԴՊՈՒՄ

334.5(47.92)
2-24

1920

Գործարար Սպարտակ Գևորգյան
Երևան

1907

010

Կ

«ՄԻՈՒԹԻՒՆԸ ՈՅԺ Է»

ՀԱՅԱՍՏԱՆԻ ՄՊԱՌՈՂԱԿԱՆ ԿՕՕՊԵՐԱՏԻՒՆԵՐԻ ՄԻՈՒԹԵԱՆ (ՀԱՅԿՕՕՊ) ԿԱՆՈՆԱԴՐՈՒԹԻՒՆ

II հրատարակութիւն

(փոփոխւած եւ լրացւած 1919 թ. յուլիսի 2-3-ին ներկայացուց-
յալան ժողովի կողմից):

I. ԸՆԳԶԱՆՈՒՐ ԿԱՆՈՆՆԵՐ

§ 1. Միութիւնը նպատակ ունի աջակցել, որ տարածեն լաբորան-
թեան ու կարգի օկզրունքները սպառման և անոր գործածելի պիտոյքների
փոխանակման ու արտադրութեան գործում, նոյնպէս նպատակ, որ մշտական
յարաբերութիւններ ստեղծեն Հայաստանի կօօպերատիւների մէջ, ուղիղ
ընթացք արւի նրանց գործերին ու վարձացման, կազմակերպել նրանց միա-
նակն գործունէութիւնը, որ պէտք է նպատակ ունենայ կարելոյն չափ յու-
ջող ձեռք իրականացնելու իր անդամների անտեսական և հոգեկան բարե-
կեցութիւնը:

§ 2. § 1-ում ցոյց տւած նպատակներին հասնելու համար միութեանը
վերապահւում է ա) քննել ու լուծել այն հարցերը, որոնք կառավարման կօ-
պերատիւների կեանքում, բ) ժողովել և հրատարակել մամուլի միջոցով կօ-
պերատիւների և նրանց միութիւնների գործունէութեան վերաբերեալ տեղե-
կութիւններ, կատարել ամեն տեսակի հաւաքառութիւններ, նոյնպէս բոյ՝ ըն-
ծայել պարբերական և այլ հրատարակութիւններ, գ) խնդրամատոյց վիճել
կառավարական և հասարակական հիմնարկութիւններին կօօպերատիւների ու
նրանց միութիւնների կեանքից բոլոր պահանջների վերաբերեալ, դ) կազ-
մակերպել դաստիարակութիւններ, ընթերցանութիւններ, զատընթացքներ, զբո-
րոցներ, ցուցահանդէսներ, կազմել խորհրդակցութիւններ, կօօպերատիւների
և նրանց միութիւններին վերաբերող հարցերի շուրջը, ե) հիմնել օժանդա-
կող դրամարկներ, բնաւունքման (անալիտիքական) կայարաններ, քննաշնորհ
և այլ իրերի թանգարաններ, գրադարաններ և նոյնպէս ուրիշ հանրօգուտ
հիմնարկութիւններ, զ) նպատակ կօօպերատիւներին, տեղեկութիւններին

2006
26806

խորհուրդների, ցուցմունքների և իրաւարանական օգնութեան միջոցով. է) կատարել միութեանը անդամագրւած կօօպերատիւներէ մէջ պարբերական և յաճկարձակի քննութիւններ. ը) աշակցել հիմնարկութիւններին և անձնաւորութիւններին կօօպերատիւներ կազմակերպելու գործում. թ) աշակցել կօօպերատիւներին՝ ծառայողներ գտնելու, կազմել վարձման բիւջօ և կապել միութեան և առանձին ընկերութիւնների անունից, նրանց յանձնարարութեամբ, համաձայնութիւն ծառայողների հետ վարձման վերաբերեալ. ժ) առանձին ընկերութիւնների համար գտնել շրջանառութեան միջոցներ, նոյնպէս տալ այդ միջոցները հնարաւորութեան դէպքում իր հաշիւն, նպաստել ընկերութիւններին ապրանքներ գնելու, կազմակերպել նրանց միասնական գնումները, գնել իր հաշիւն, ընդունել յանձնարարութեան հիմքերով և վաճառել ամեն տեսակի ապրանքներ ներկայացուցչական ժողովի հաստատած հիմունքներով՝ թէ կանխիկ և թէ ապառիկ. ժա) հաստատել սեփական հիմնարկութիւններ, պահեստներ, հիմնարկութիւնների բաժանմունքներ՝ ապրանքներ արդիւնաբերելու, պատրաստելու, գնելու և վաճառելու համար. ժբ) պահել սեփական գործակալութիւններ և գրասենեակներ Հայաստանում և արտասահմանում ապրանքների գնման և վաճառման համար. ժգ) յանձն առնել ընդունել միջնորդութիւն և գործակալութիւն ապահովագրման և փոխադրման բոլոր տեսակների վերաբերեալ, կազմակերպել նաև կօօպերատիւների համար փոխադարձ ապահովագրում. ժդ) համաձայնութեան զալ միւս միութիւնների և առանձին ընկերութիւնների հետ այլևայլ գործողութիւնների վերաբերեալ. ժե) կատարել միութեան անդամներին կանոնադրութեամբ վերապահած բոլոր գործողութիւնները. ժզ) կատարել առհասարակ կօօպերատիւ գործի զարգացման նպատակով ամեն տեսակի գործողութիւններ:

§ 3. Միութիւնը իրաւունք ունի բոլոր օրինական միջոցներով ձեռք բերել, գրաւ դնել և օտարացնել ամեն տեսակի շարժական և անշարժ կայքեր, կնքել փոխառութիւններ, ընդունել աւանսներ, տալ, ընդունել մուրհակներ և զեղջիկ նրա՝ ց, փոխադրական մակագրութիւններ կատարել մուրհակների վրայ և առհասարակ մտնել պարտաւորագրութիւնների մէջ ու կազմել պարտաւորագրութիւններ, որոնց թւում և կառուցման իրաւունքի վերաբերեալ, ընդունել նւիրատութիւններ ու ժառանգել կտակների հիման վրայ, առաջադրել պահանջ և պատասխանել դատարանում:

§ 4. Պարտաւորագրութիւնների հանդէպ միութիւնը պատասխանատու է իր զրամագլխով և կայքով և բացի այդ իր անդամ կօօպերատիւների հընգապատիկ պարտադիր բաժնեկէսներով: (§ § 11 և 12).

§ 5. Միութիւնն իրաւունք ունի անգամադրել իր նպատակներին համապատասխան ուրիշ միութիւններին, ընկերութիւններին և հիմնարկութիւններին:

§ 6. Միութիւնը իր գործունէութեան ընթացքում ղեկավարւում է ներկայ կանոնադրութեամբ և ենթարկւում է գոյութիւն ունեցող բոլոր օրէնքներին:

§ 7. Միութիւնը ունի կնիք, իր անունով:

§ 8. Միութեան վարչութիւնը գտնւում է Երևանում:

II. ՄԻՈՒԹԵԱՆ ԿԱԶՄԸ, ԱՆԴԱՄՆԵՐԻ ԻՐԱՌՆԵՐԵՐԸ ՈՒ ՊԱՐՏԱԿԱՆՈՒԹԻՒՆՆԵՐԸ

§ 9. Միութեան անդամ կարող են լինել կօօպերատիւներն ու նրանց միութիւնները:

Ծանօթ. Միութեան աշակցութիւնից կարող են օգտւել և Միութեանը չանդամագրւած կօօպերատիւները, զեմսովային գիւղատնտեսական ընկերութիւնները, տնայնագործական արտէշները, և բարենպաստ ընկերութիւնները, խորհրդի և վարչութեան ժշակած յատուկ կանոններով:

§ 10. Միութեան անդամագրւել ցանկացող կօօպերատիւը կամ այլ հիմնարկութիւնը (§ 9) ներկայացնում է Միութեան վարչութեան համապատասխան գրաւոր դիմում: Այդ գրութեան մէջ պէտք է մատնանշել, որ ընկերութիւնը ենթարկւում է այս կանոնադրութեան բոլոր որոշումներին և յանձն է առնում միութեան բոլոր գործերի վերաբերեալ պատասխանատւութիւնը, սոյն կանոնադրութեան հիման վրայ: Այս գրաւոր դիմումին պէտք է կցւեն ընկերութեան կանոնադրութեան մի օրինակը, ընդհանուր ժողովի միութեան մէջ մտնելու որոշման պատճէնը և վերջին հաշւաւորութեան տեղեկութիւնները, ընկերութեան կամ այլ հիմնարկութեան վերաբերեալ:

§ 11. Կօօպերատիւը կամ այլ հիմնարկութիւնը մտցնւում է Միութեան վարչութեան կողմից միութեան անդամների ցուցակը համաձայն կանոնադրութեան § 10 և 12-ում. ցոյց տաւած պահանջների, ըստ որում նա մտցնւում է Միութեան գրամարկը իր սեփական բաժնային և պոնկատի գրամագլխի երեք տեղում իրեն մուտքի վճար:

§ 12. Իւրաքանչիւր բաժնի արժէքը որոշւում է 1000 ռուբլի, որը մըտցնւում է միանգուց կամ մաս առ մաս, եթէ միայն հրահանգչական բաժինը անհրաժեշտ դառնի:

Այն ընկերութիւնները, որոնք ունեն 300 անգամ, պարտաւոր են մըտցնել մի բաժնի արժէք, 300-ից մինչև 500 անգամ ունեցողները 2 բաժնի, 500-ից մինչև 700 անգամ ունեցող՝ 3 բաժնի և այսպէս շարունակաբար ամեն մի 200 անգամին մի բաժնի արժէք:

§ 12¹. Անգամադրող միութիւնները մուտքի վճար տալիս են բաժնային գրամագլխի մի տոկոսը, իսկ որպէս բաժին մինչև 10 անգամ ունեցողը մըտցնւում է 5 բաժնի արժէք, 10-ից մինչև 13-ը մտցնւում է 6 բաժնի արժէք և այսպէս իւրաքանչիւր 3 անգամադրւած կօօպերատիւի համար տալիս է մի բաժնի արժէք:

§ 13. Միութեան անդամները մատնակցում են նրա բոլոր գործերին իրենց ներկայացուցիչների այն թւի միջոցով, որը ցոյց է տրւած § 29.

§ 14. Միութեան իւրաքանչիւր անգամ պաշտաւոր է՝ ա) ենթարկել ներկայացուցչական ժողովի բոլոր որոշումներին, որոնք հիմնւած կլինեն օրէնքի և ներկայ կանոնադրութեան վրայ. բ) ըստ հնարաւորութեան բաւարարել բոլոր կարիքները Միութեան միջոցներով. գ) մտցնել իւրաքանչիւր

տարի գրամարկզը ներկայացուցիչների ժողովի կողմից սահմանած պարտա-
ւորեցուցիչ վճարները. գ) իւրաքանչիւր տարի ներկայացնել իր գործունէու-
թեան հաշւետուութիւնը. հ) ներկայացնել Միութեան վարչութեան և վար-
չութեան կողմից լիազօրւած անձնաւորութիւններին իր բոլոր գրքերը և
վաւերաթղթերը. զ) գումարել իրենց անդամների արտակարգ ընդհանուր
ժողովներ, միութեան առաջարկները քննելու համար, եթէ Միութեան վար-
չութիւնը այդպիսի գումարումն անհրաժեշտ կգտնի. է) տեղեկացնել Միու-
թեան վարչութեան՝ կանոնադրութեան և վարչութեան կազմի իւրաքանչիւր
փոփոխման մասին և պատասխանել իր ժամանակին ու ճշտութեամբ բոլոր
հարցումներին:

§ 15. Միութեան իւրաքանչիւր անդամ իրաւունք ունի ի միջի աշխոյ՛
ա) օգտւել միութեան բոլոր հիմնարկութիւններին՝ ներկայացուցիչների ժո-
ղովի կողմից հաստատւած հիմունքներով. բ) ներկայացուցիչների ժողովի
կողմից հաստատւած հիմունքներով օգտւել անհրաժեշտ ցուցմունքներին,
քննիչների, հրահանգիչների և Միութեան վարչութեան ու նրան ենթակայ
մարմինների օժանդակութիւնին. գ) մացնել զբաւոր առաջարկներ վարչու-
թեան և միութեան այլ մարմինների գործունէութեան վերաբերեալ և պա-
հանջել այդ առաջարկութիւնների քննութիւնը միութեան վարչութեան և
նոյնպէս ներկայացուցիչների ժողովի կողմից:

§ 16. Միութեան իւրաքանչիւր անդամ պատասխանատու է Միութեան
ֆլուսների վերաբերեալ, իսկ սնանկութեան դէպքում, Միութեան պարտու-
ւորագրութիւնների վերաբերեալ՝ իրենց պարտաւորեցուցիչ բաժինների գու-
մարի տասնապատիկ չափով:

§ 17. Միութեան անդամը կարող է Միութեան կազմից դուրս գալ գը-
րաւոր գիմումով, հիմնւած ընդհանուր ժողովի որոշման վրայ, սակայն ոչ
շուտ քան ընթացիկ տարւայ վերջը, և այն օղայմանով, եթէ յիշատակւած
գիմումը ներկայացւած է ոչ ուշ քան վեց ամսւայ ժամանակամիջոցում, մին-
չև ընթացիկ գործողութիւնների տարւայ վերջը, հակառակ դէպքում ընկե-
րութիւնից անդամը կարող է դուրս գալ միայն գործողութիւնների հետեւեալ
տարին լրանալուց յետոյ: Միութիւնից անդամի դուրս գալու օրը հաշւում է
գործողութիւնների տարւայ վերջին օրը:

§ 18. Ներկայացուցիչների ժողովի որոշմամբ կարող են արտաքսել
Միութեան կազմից այն անդամները, որոնք չեն իրագործում իրենց և Միու-
թեան կանոնադրութիւնները և խախտում են իրենց պարտաւորագրութիւն-
ները Միութեան առաջ կամ գործում են պարզօրէն ի ֆլուս նրան:

Միութեան անդամը հաշւում է Միութիւնից հեռացած այն օրւանից,
երբ արտաքսման մասին կայանում է որոշում ներկայացուցիչների ժողովի
կողմից:

Միութիւնից հեռացած, արտաքսւած անդամը կարող է պատասխանա-
տուութեան ենթարկւել մի տարւայ ընթացքում միայն Միութեան այն վը-
նասների նկատմամբ, որոնք տեղի են ունեցել և պարզւել են մինչև Միու-
թեան այն տարւայ գործողութիւնների հաշւետուութեան հաստատելը, որի
ընթացքում նա հեռացել է: Միութեան գործերի յօժարակամ կամ ստիպու-
ղական դադարեցման դէպքում, անդամների պատասխանատուութիւնը իրանց

գործերի նկատմամբ, եթէ նրանք զեռ չեն աւարտել, տեւում է մինչև նրանց
լուծումը:

§ 19. Միութիւնից թէ յօժարակամ հեռացած և թէ արտաքսւած ան-
դամներին, իրենց մացրած բաժնի գումարները, հանդերձ գնած ապրանքի
պրեմիայով, վերադարձւում է վարչութեան ներկայացրած դիմումի հիման
վրայ երեք ամսւայ ժամանակամիջոցում հաշւետարւայ գործողութիւնների
հաստատումից յետոյ ներկայացուցիչների ժողովի կողմից, ըստ որում պա-
հանջւում է, որ հեռացող անդամը կանխօրէն փակէ իր բոլոր հաշիւները
Միութեան հետ: Ինչպէս կամովին հեռացող, նոյնպէս Միութիւնից արտա-
քսւած անդամը իրաւունք չունի Միութեան դրամագլխի որևէ բաժնի վե-
րաբերւալ, բացի իր բաժիններից:

§ 20. Միութիւնից դուրս եկած անդամը, կարող է նորից ընդունւել
խորհրդի և վարչութեան յատուկ որոշմամբ:

III. ՄԻՈՒԹԵԱՆ ՄԻՋՈՑՆԵՐԸ

§ 21. Միութեան միջոցները կազմւում են զրամագլխից 1) հիմնական,
որը ստորաբաժանւում է ա) բաժնեվճարների և բ) սեփական. 2) պահեստի
և 3) յատուկ (որոշ նպատակով կազմած):

§ 22. Սեփական հիմնական զրամագլուխը կազմւում է մուտքի վճար-
ներից և իւրաքանչիւր տարւայ օգուտներից, որի համար յատկացւում է ոչ
պակաս քան 10%: Սեփական հիմնական զրամագլուխը նշանակւում է ան-
չարժ, նոյնպէս և այլ կայք ձեռք բերելու, սակայն ներկայացուցիչների ժո-
ղովի որոշմամբ կարող է դրւել Միութեան շրջանառութեան մէջ:

§ 23. Բաժնեվճարներից գոյացած զրամագլուխը կազմւում է Միութեան
անդամագրւած ընկերութիւնների և հիմնարկութիւնների պարտաւորեցուցիչ
և կամաւոր բաժիններից:

§ 24. Միութիւնը իր միջոցները ուժեղացնելու նպատակով կարող է
կնքել երկարատև և կարճատև փոխառութիւններ, ինչպէս և վարկ ստեղծել
մասնաւոր անձանց մօտ, ընդունել աւանդներ այն չափերով ու պայմաննե-
րով, որ կորոշէ ներկայացուցիչների ժողովը:

§ 25. Պահեստի զրամագլուխը կազմւում է Միութեան մաքուր օգուտի
իւրաքանչիւր տարւայ յատկացումներից, ոչ պակաս քան 20%՝, պատահա-
կան մուտքերից և պահեստի զրամագլխի տոկոսներից. պահեստի զրամա-
գլուխը նպատակ ունի ծածկել այն ֆլուսները, որոնք կարող են առաջ գալ
Միութեան գործողութիւններից:

§ 26. Պահեստի զրամագլխի ծախսումը համաձայն իր նշանակութեան
(§ 25) կատարւում է միայն ներկայացուցիչների ժողովի որոշմամբ:

§ 27. Միութիւնը կարող է նւիրատուութիւններից, անդամների կամաւոր
վճարներից օգտի որոշ յատկացումներից հազմել առանձին զրամագլուխ՝
անտեճական, լուսաւորական, բարեգործական և յատուկ կարիքների համար
գործադրելու նպատակով:

IV. ՄԻՈՒԹԵԱՆ ԳՈՐԾԵՐԻ ԿԱՌԱՎԱՐՈՒՄԸ

§ 28. Միութեան գործերի կառավարումը յանձնում է ա) ներկայացուցիչների ժողովին, բ) Խորհրդին և գ) Վարչութեան:

Ա.) Ներկայացուցիչների ժողովը:

§ 29. Ներկայացուցիչների ժողովները լինում են ա) տարեկան, որը վարչութիւնը հրաւիրում է հաշվետուութեան, նախահաշի, Միութեան գործնական նախագծի և այլ հարցերի քննութեան համար, ըստ որում անցած տարւայ հաշվետուութիւնը քննելու համար վարչութիւնը պարտաւոր է իւրաքանչիւր տարի հրաւիրել հերթական տարեկան ժողով, ոչ ուշ քան ապրիլ ամսից. բ) Արաւկարգ, որը հրաւիրում է վարչութեան կամ նրան յայտնած խորհրդի, վերաքննիչ յանձնաժողովի և կամ Միութեան անդամների մի տասն երրորդի պատուր պահանջով:

Ծանոթութիւն.— Վարչութիւնը պարտաւոր է գումարել ներկայացուցիչների ժողով, երկու շաբաթւայ ընթացքում, հաշված ալգալիսին պահանջը ստացւած օրից: Այդ պայմանը չկատարելու դէպքում ժողովը գումարում է խորհրդի կամ վերաքննիչ յանձնաժողովի հրաւերով:

§ 30. Ներկայացուցիչների ժողովը կազմւում է ներկայացուցիչներից (§ 9), որոնք ընտրւում են Միութեան անդամ կօօպերատիւներից: Միութեան անդամ եղող իւրաքանչիւր կօօպերատիւ կամ այլ հիմնարկութիւն որը ունի մինչև 200 անդամ, ուղարկւում է վճռական ձայնի իրաւունքով մի ներկայացուցիչ, 200-ից—500 անդամ ունեցողը—երեք, կօօպերատիւը կարող է նոյնպէս ընտրել ներկայացուցիչների համար անձնափոխանորդներ, որոնք մասնակցում են ժողովին ներկայացուցչի իրաւունքով՝ վերջինիս բացակայութեան դէպքում:

Ծանոթութիւն I.— Անդամ միութիւնները տալիս են ներկայացուցիչներ իրենց անդամադրւած կօօպերատիւ անդամների թւի համեմատ (§ 30) դրանից բացի մի մի ներկայացուցիչ էլ ուղարկւում են գաւառական միութիւնների վարչութիւնները:

Ծանոթութիւն II.— Իւրաքանչիւր ներկայացուցիչ ունի միմիայն մէկ ձայն: Ձայնի իրաւունքը ոչ օրի չի կարելի յանձնել:

§ 31. Վարչութեան և Խորհրդի անդամները ընդհանրապէս մասնակցում են ներկայացուցչական ժողովին խորհրդակցական ձայնով: Մէկական ներկայացուցիչներ այդ մարմիններից օգնւում են վճռական ձայնի իրաւունքով, որից սակայն չեն օգնւում հետեւեալ դէպքերում. 1) հաշվետուութեան հաստատման, մաքուր օգուտի գումարի որոշման ու բաշխման 2) վարչութեան և Խորհրդի անդամների գործնական գնահատման ու նրանց վարչատրութեան գումարի սահմանման և 3) նրանց դատաստանական պատասխանատուութեան ենթարկման:

§ 32. Ներկայացուցչական ժողովի անմիջական որոշման ենթակայ են. ա) Միութեան գործունէութեան նախագծի քննութիւնն ու հաստա-

տւումը և եկամուտների ու ծախսերի նախահաշիւը:

բ) Վարչութեան Խորհրդի և վերատառուդի յանձնաժողովի տնդամների ընտրութիւնը և նրանց թւի որոշումը §§ 42, 43 և 36 սահմաններում:

գ) Փոխառութիւններ կնքելու և աւանսներ ընդունելու պայմանների որոշումը:

դ) Գէտըկումն նախահաշի տյն աւաւելագոյն գումարի, որի սահմաններում վարչութեանը խորհրդի համաձայնութեամբ՝ լիազօրութիւն է տրւում անշարժ կայք ձեռք բերելու և գնելու:

ե) Վարչութեան հաշվետուութիւնների քննութիւնը, հաստատումն ու օգուտների բաշխումն:

զ) Միութեան անդամադրւած կօօպերատիւներին վարկաւորելու ու նրանց գործունէութիւնը քննութեան ենթարկելու ընդհանուր կանոնների հաստատումն:

է) Առանձին յատուկ դրամագլուխ կազմելու և աւհաստքակ միութեան բոլոր գործողութիւններին վերաբերող ցուցմունքների և կանոնների քննութիւնն ու հաստատումը այն դէպքում, երբ կանոնադրութեան մէջ որոշւած չէ դրա կարգը:

ը) Ներկայացուցիչների ժողովին ներկայացրած Վարչութեան, Խորհրդին և վերաքննիչ յանձնաժողովին վերաբերող զանգատների լուծումը:

թ) Վարչութեան, Խորհրդի և վերաքննիչ յանձնաժողովի անդամներին սխալ գործողութիւնների և զանցառութիւնների պատասխանատուութեան ենթարկելու հարցի լուծումն:

ժ) Անդամներին միութիւնից հեռացնելու խնդիրը:

ժա) Կանոնադրութեան փոփոխումն և լրացումն:

ժբ) Միութեան լուծման հարցի որոշումը:

ժգ) Ներկայացուցիչների ժողովի օրոշումներից և ներկայ կանոնադրութիւնից բղխող հարցերի քննութիւնը և լուծումը:

§ 33. Ներկայացուցիչների գումարման կարգը կարող է հաստատուել ներկայացուցիչների ժողովում, սակայն յամենայն դէպս միութեան անդամներին առնւադն մի շաբաթ առաջ պէտք է տեղեկացւի ներկայացուցչական ժողովի գումարման տեղի և օրակարգի մասին:

§ 34. Ներկայացուցչական ժողովում պէտք է քննեն տյն հարցերը, որոնք բղխում են ներկայ կանոնադրութիւնից: Իւրաքանչիւր ժողովում քննւում են միայն օրակարգում կամ նրա լրացուցիչ թերթիկում մասնանշւած հարցերը: Ժողովի ընդունած որոշումները պարտաւորեցուցիչ են Միութեան իւրաքանչիւր անդամի համար, նոյնիսկ այն դէպքում, եթէ ժողովից բացակայել են նրա ներկայացուցիչները:

§ 35. Ներկայացուցչական ժողովը կայացած է համարւում, երբ ներկայ են գտնւում ոչ պակաս քան մի մի ներկայացուցիչ Միութեան անդամների մի հինգերորդ մասի կողմից՝ չհաշւած Միութեան վարչակոն մարմինների անդամներին:

§ 36. Եթէ ներկայացուցչական ժողովը չը կայանայ § 35-ում ցոյց

տւած անգամներ թւի բացակայութեան պատճառով, նշանակուած է ոչ ուշ քան երկու շաբաթաց ընթացքում երկրորդ ժողովը, որը կայացած է համարուած անկախ ներկայացուցիչների թւի քանակից: Այդ մասին միութեան վարչութիւնը պարտաւոր է նախազգուշացնել միութեան անդամներին երկրորդ ժողովի հրաւիրապրում: Այդպիսի երկրորդ ժողովում կարող են ընձեռել միայն այն հարցերը, որոնք մացրած են եղել օրակարգը:

§ 37. Ժողովը բացում է վարչութեան տնօրէնի կողմից: Ներկայացուցչական ժողովը բնորոշ է իր համար նախագահ և քարտուղար: Ներկայացուցչական ժողովին նախագահ չի կարող ընտրել վարչութեան, խորհրդի, վերստուգիչ յանձնաժողովի անդամը և միութեան ծառայողը:

Խորհրդի կամ վերստուգիչ յանձնաժողովի կողմից ներկայացուցչական ժողով գումարելու դէպքում վերջինս բաց է տնում նրանց նախագահը ըստ պատկանելոյն:

§ 38. Միութեան կողմից անդամներ արտաքսելու, կանոնադրութեան լրացման կամ փոփոխութեան, միութեան գործերի լուծման հարցերը վճռելու համար, պահանջում է միութեան բոլոր անդամների ոչ պակաս, քան կէսի ներկայութիւնը:

§ 39. Ժողովում գաղտնի ընկերակցութեամբ են կառարարում պաշտօնակատար անձանց ընտրութիւնները և Միութեան վարչական կազմի վարձարութեան, պաշտօնակատար անձանց պատասխանատուութեան ու ժամանակամիջոցից առաջ հեռացնելուն վերաբերող հարցերը: Միւս պարագաներում ընկերակցութեան ձեռ կախուած է ներկայացուցչական ժողովի հայեցողութիւնից:

§ 40. Ներկայացուցչական ժողովը իր որոշումները ընդունում է ձայների սովորական մեծամասնութեամբ: ձայների հաւասարութեան դէպքում հարցերը համարուած է չլուծուած: Միութիւնից տնօրէնի արտաքսումը, վարչութեան, խորհրդի կամ վերստուգիչ յանձնաժողովի անդամի հեռացումը մինչև ժամանակամիջոցի լրանալը, պաշտօնավարութեան, կանոնադրութեան փոփոխում և լրացումն ու Միութեան գործերի լուծման վերաբերող հարցերի որոշումը պէտք է ընդունեն ոչ պակաս քան բոլոր ձայների $\frac{2}{3}$ -ով:

§ 41. Ներկայացուցչական ժողովի արձանագրութիւնները արտագրում են ժողովի նախագահի, քարտուղարի, վարչութեան ներկայ գտնող անդամների և ոչ պակաս քան երեք ներկայացուցիչների կողմից: Եթէ ներկայացուցիչներից մէկը ժողովի որոշումը զանում է հակառակ օրէնքի, կանոնադրութեան կամ, միութեան չանքին, այդ դէպքում նա իրաւունք ունի առնել իր ստորագրութիւնը և մոցնել առ արձանագրութեան մէջ, որպէս առանձին կարծիք:

Բ) Խորհուրդը

§ 42. Կարծիք հարցերը ըննելու ու լուծելու համար, ղոյութիւն ունի խորհուրդը, որի կազմը և գործունէութիւնը որոշուած է հետևեալ պայմաններով:

1. Խորհուրդը բաղկացած է շրջանների մէկական ներկայացուցիչներից,

որոնք ընտրուած են շրջանների սպառողական կօօպերատիւնների կողմից մէկ տարի ժամանակով:

Ծանօթութիւն I.—Շրջանները որոշուած են ներկայացուցչական ժողովի կողմից:

Ծանօթութիւն II. Իւրաքանչիւր անգամ իր շրջանից ունենում է իր անձնափոխանորդը:

2. Խորհուրդը ապիւս է իր եզրակացութիւնը վարչութեան յարուցած հարցերի մասին այդ դէպքում, երբ այդ հարցերի կարեւորութիւնը ստիպում է վարչութեան դիմելու խորհրդի հեղինակութեանը:

3. Վարչութեան և խորհրդի խառն նիստերը գումարում է վարչութեան կամ խորհրդի գիւտնի հրաւերով:

4. Խորհրդի և վերստուգիչ յանձնաժողովի խառն նիստերը ղեկավարում է խորհրդի գիւտնը:

5. Խորհրդի և վերստուգիչ յանձնաժողովի խառն նիստերում վերաքննւում և հաստատուում են, ինչպէս խորհրդի, նոյնպէս և յանձնաժողովի բոլոր վերաստուգողական և վերաքննական գործնէութեան ծրագրերները:

6. Խորհրդի անդամները և նրանց անձնափոխանորդները չեն կարող առևտրական գործողութիւնների մէջ մտնել միութեան հետ և առևտուր առնել այն ապրանքներով, որ միութիւնը վաճառում է իր անդամներին կամ ընդունում է վաճառելու համար:

7. Խորհրդի անդամը և անձնափոխանորդը չեն կարող լինել այնպիսիները, որոնք միմիանց հետ, նոյնպէս և վարչութեան անդամների հետ, բարեկամական զաւգրով են կապուած կամ իւրայինեղ են մինչև չորրորդ աստիճանը:

8. Առաջին երկու առթիւներում Խորհուրդի կողմից վիճակով հեռանում է ոչ պակաս մի երրորդը ամբողջ կազմի և նրանց անձնափոխանորդների, իսկ հետևեալ տարիներում—ընտրութեան աւագութեան կարգով:

Ծանօթութիւն.—Խորհրդի հեռացած անդամները և անձնափոխանորդները նորից կարող են վերընտրւել նոր ժամանակամիջոցով:

9. Խորհրդի անդամները և նրանց անձնափոխանորդները կարող են հեռացնւել պաշտօնից՝ Խորհրդի $\frac{2}{3}$ ձայների մեծամասնութեամբ կայացած որոշումով: Վերջնական որոշումը վերապահուած է շրջանի ժողովին:

10. Խորհրդի կազմից սրև է անդամի հեռանալու դէպքում, նրա տեղը բռնում է նոյն շրջանի ընտրուած անձնափոխանորդը, ըստ որում մօտակայ ներկայացուցչական ժողովում ընտրուած է նոր անձնափոխանորդ այդ շրջանից:

11. Խորհրդի անդամը յարգելի պատճառներից ստիպւած կարող է առ լիազօրութիւն իր շրջանից ընտրուած անձնափոխանորդին, որը ժամանակով կամ խորհրդի մի նիստի համար, բայց գրաւոր յայտարարութեամբ ուղղած Խորհրդին և անձնափոխանորդին:

12. Խորհուրդը հետևում է, որպէսզի վարչութեան կողմից գործադրւեն կանոնադրութիւնը, օրէնքները, ներկայացուցչական ժողովների պարտադիր

կանոնադրութիւնները, սահմանափակումները, օրինաւոր վճիռները, նոյնպէս հսկում է դրամագլուխների, փաստաթղթերի և կայքի ամբողջութեան վրայ, որոնք պատկանում են Միութեանը, կամ ժամանակաւորապէս վստահացած են նրան, որոշում է կայացնում Միութեան անդամի արտաքսման, Միութեան նախաձեռնող գուրս արտակարգ ծախքերի վերաբերեալ, այդ իսկ պատճառով խորհրդի առաջ բաց պէտք է լինեն Միութեան դրամարկղը, պահեստները, ձեռնարկութիւնները, ամբողջ հաշւապահութիւնը ու գործադրութիւնը:

13. Խորհուրդի անդամները իրենց միջից ընտրում են դիւանը:

14. Խորհուրդի դիւանը հեռւում է շտապ գործերի իր ժամանակին ընկելուն և Խորհրդի գործադրութեանը:

15. Խորհրդի նիստերի ժամանակը նշանակւում է Խորհրդի կամ դիւանի կարգադրութեամբ:

Մանօրութիւն.— Խորհուրդի նիստերը օրինաւոր են համարւում, եթէ ներկայ են անդամներից $\frac{1}{3}$ ոչ պակաս:

16. Խորհուրդի ժողովներում բոլոր անձնափոխանորդները կարող են մասնակցել միմիայն խորհրդակցական ձայնի իրաւունքով:

17. Միութեան գործունէութիւնը այն կամ այն ապարէզում, առանձին ստուգողական գործողութիւնների ենթարկելու համար, Խորհուրդը կարող է իր անդամների միջից ընտրել յանձնաժողովներ:

18. Խորհուրդի գործադրութիւնը յանձնւում է նրա կարգադրութեամբ Միութեան ծառայողներից որևէ մէկին և տարւում է Խորհրդի դիւանի հսկողութեամբ:

19. Խորհուրդը հաշիւ է ներկայացնում ներկայացուցչական հերթական ժողովին հաշւական տարւայ իր գործունէութեան մասին:

20. Խորհուրդի իւրաքանչիւր անդամը պատասխանատու է Խորհուրդի առաջ իր այն գործողութիւնների համար, որոնք կխախտեն Միութեան շահերը:

Գ) Վարչութիւն

§ 43. Վարչութիւնը կառավարում է Միութեան բոլոր գործերը և ներկայացնում է Միութիւնը նրա բոլոր գործերում, պայմանագրութիւններում և անձնաւորութիւնների ու հիմնարկութիւնների հետ տեղի ունեցող յարաբերութիւնների մէջ առանց դրա համար յատուկ հաւատարմագրի:

§ 44. Մասնաւորապէս վարչութեան պարտականութիւնն է.

ա) Ապրանքների գնումը, վաճառումը ու պահումը և տոհմատրակ Միութեանց բոլոր գործառնութիւնների կիրառումը:

բ) Նրանի ընդունումն ու վճարումն, տոկոսաբեր թղթերի գնումը ու վաճառումը Միութեան պատկանող և նրան պահ տւած դրամների, արժէքների և կայքի պահպանումը:

գ) Մուրհակների, նոյնպէս և այլ ժամանակաւոր պարտաւորագրութիւնների տալը, ընդունելն ու շահելը ներկայացուցչական ժողովի որոշումների սահմաններում:

դ) Միութեան անունից ամեն տեսակի պայմանագրութիւնների և պայմանների կնքումը:

ե) Անշարժ կայք ձեռք բերելու, օտարացնելու և վարձելու մասին փութադրերի կազմումը:

զ) Միութեան շահերի պաշտպանութիւնը դատաստանական և վարչական հիմնարկութիւններում:

է) Միութեան գործադրութիւնը և հաշւաւորութիւնը:

ը) Նկամուտի և ծախսերի նախահաշիւ, գործողութիւնների նախադի, տարւայ հաշւաւորութեան և հաշիւկշիւի կազմումը և նրանց մացնումը ներկայացուցչական ժողով:

թ) Առանձին յանձնաժողովների կազմումը այն դէպքերում, երբ այդ իրաւունքը վարչութեանն է վերապահւած ներկայացուցչական ժողովի կողմից:

ժ) Միութեան պաշտօնեաների հրաւիրումը, վարձումը ու նրանց հեռացումը այն սահմանափակումներով, որոնք հաստատւած կլինեն ներկայացուցչական ժողովի կողմից:

ժա) Միութեան ծառայութեան մէջ ընդունւած պաշտօնեաներին հաւատարմագրեր տալը:

ժբ) Միութեան անդամների բաժնեւէժարների ցուցակագրումը, ցուց տալով նրանց պատասխանատւութեան չափը Միութեան պարտաւորագրութիւնների նկատմամբ:

ժգ) Ներկայացուցչական ժողովի որոշումներից և կանոնադրութիւնից բխող այլ և այլ գործերի վարումը:

§ 45. Վարչութիւնը բաղկացած է ոչ պակաս քան երեք անդամից, որոնք ընտրւում են երեք տարի ժամանակով, զադմնի քւէարկութեամբ ներկայացուցչական ժողովում Միութեան անդամ կօօպերատիւների անդամների թւից. նոցա համար ընտրւում են նոյն կարգով, ոչ պակաս քան երեք անձնափոխանորդներ, որոնք փոխարինում են վարչութեան բացակայող կամ գուրս եկած անդամներին, նրանց ընտրական ձայների տաւելական կարգով: Վարչութեան անդամի պաշտօնը վարելու ժամանակ, թեկնածուն օգտւում է այդ պաշտօնին յատուկ բոլոր իրաւունքներով ու արտօնութիւններով:

Մանօրութիւն.— Վարչութեան անդամների թիւը որոշւում է ներկայացուցչական ժողովի կողմից, նայած Միութեան գործողութիւններին:

§ 46. Միութիւնը հիմնելուց յետոյ ընտրւած վարչութեան անդամների մի երրորդ մասը հեռանում է իւրաքանչիւր տարի. առաջին երկու տարիները վիճակով, յետագայում՝ ըստ ընտրական աւագութեան:

Մանօրութիւն.— Վարչութիւնից հեռացող անդամը կարող է նորից ընտրւել:

§ 47. Վարչութեան, ինչպէս և Խորհուրդի ու վերաստուգիչ յանձնաժողովի (§§ 42, 45 և 56) կազմերի մէջ չեն կարող մտնել այնպիսի անձինք, որոնք Միութեան պէս միատեսակ առևտրական և արդիւնաբերական գործ ունեն:

§ 48. Վարչութիւնը բաժանում է իր անդամների մէջ պարտականութիւնները:

§ 49. Վարչութեան նիստերը կայացւած են համարում, երբ ներկայ է գտնւում վարչութեան անդամների ոչ պակաս քան կէօր:

Ծանօթութիւն.—Վարչութեան նիստերին կարող են ներկայ գտնւել առանց վճռական ձայնի իրաւունքի, վարչութեան փոխանդամները, Խորհրդի և վերաստուգիչ յանձնաժողովի անդամները, նոյնպէս և վարչութեան կողմից հրաւիրւած տեղեակ անձնաւորութիւններ:

§ 50. Վարչութեան մէջ բոլոր հարցերը սրտում են ձայների սովորական մեծամասնութեամբ, ձայների հաւասարութեան դէպքում հարցը համարում է չլուծուած: Վարչութեան որոշումներն արձանագրւում են մատեանի մէջ և ստորագրւում ներկայ եղող անդամների կողմից:

§ 51. Մուրհակները, հաւատարմագրերը, պայմանաւորումները, պայմանները, կաւածագրերը և այլ վաւերագրերը, նոյնպէս և վարկային հաստատութիւններից Միութեան ստանալիք գումարների պահանջները, պէտք է ստորագրեն վարչութեան ոչ պակաս երկու անդամների կողմից:

§ 52. Վարչութեան անդամները իրանց պաշտօնավարութեան ժամանակամիջոցը լրանալուց առաջ կարող են հեռացւել պարտականութիւնների կատարումից: Ներկայացուցչական ժողովի գաղտնի քէտրկութեամբ:

§ 53. Կանոնադրութեան, նոյնպէս և ներկայացուցչական ժողովի որոշումների խախտման դէպքում վարչութեան անդամները պատասխանատու են Միութեան առաջ օրէնքի հիման վրայ, այն քանակների համար, որոնք հետեանք կլինեն նրանց գործողութիւնների:

V. ՄԻՈՒԹԵԱՆ ԳՈՐԾԵՐԻ ՔՆՆՈՒԹԻՒՆԸ

§ 54. Միութեան վարչական մարմինների գործունէութեանը հսկելու, նրա գործերը քննելու և հաշւաւորութիւնը ստուգելու համար իւրաքանչիւր տարի ներկայացուցչական ժողովի կողմից ընտրւում է վերաստուգիչ յանձնաժողով:

§ 55. Վերաստուգիչ յանձնաժողովը բաղկացած է ոչ պակաս, քան երեք անդամից, երեք փոխանդամներով, ընտրւած մի տարի ժամանակամիջոցով և գաղտնի քէտրկութեամբ, Միութեան անդամադրւած կօօպերատիւների անդամներից, որոնք չեն պաականում վարչութեան և Խորհրդի կազմին:

Ծանօթութիւն.—Վերաստուգիչ յանձնաժողովի անդամների և նրանց փոխանդամների թիւը որոշում է ներկայացուցչական ժողովը:

§ 56. Վարչութեան անդամների պատասխանատուութեան, վարձատրութեան, գործողութիւնների կարգին և կազմին վերաբերող կանոնադրութեան յօդաձևերը (§§ 47—50 և 52) կիրաււում են և վերաստուգիչ յանձնաժողովի անդամների վերաբերմամբ:

§ 57. Մասնաւորապէս վերաստուգիչ, յանձնաժողովի վրայ է ընկնում ա) Միութեան կանխիկ զբաղման, տոկոսաբեր թղթերի և այլ արժէքների

պարբերական ստուգումն ու նրանց համեմատական քաղաքականութիւնը հաշիւների և մատեանների հետ:

բ) Միութեան հիմնարկութիւններում գտնուող պատրաստի ապրանքների ստուգումը և ուղղումը, թէ որքան է համապատասխանում այդ մատեաններին, Միութեան կամ նրանց յանձնւած ամեն տեսակ կայքի ստուգումը և այդ բոլորը այն ժամանակամիջոցում, որ կհաստատի ներկայացուցչական ժողովը կամ հարկաւորութեան դէպքում յանձնաժողովի հայեցողութեամբ:

գ) Վարչութեան դէմ եղած գանգատների քննութիւնը:

դ) Վաւերացիւթիւնի, մատեանների և հաշւաւորութիւնների ստուգումը ու ներկայացնումը ներկայացուցչական ժողովին իր եղբակացութիւնների հետ թէ տարեկան հաշւաւորութեան նախահաշիւ ու գործողութիւնների նախագծի վերաբերեալ և թէ տարւայ ընթացքում Միութեան կատարած գործողութիւնների ստուգման մասին:

§ 58. Վերաստուգիչ յանձնաժողովը գումարւում է ըստ չափու անհրաժեշտութեան: Յանձնաժողովը ստուգման գործողութիւնները կարող է յանձնարարել իր առանձին անդամներին: Վերաստուգիչ յանձնաժողովը իր բոլոր գործողութիւնների մասին արձանագրւում է առանձին մատեանի մէջ:

§ 59. Հաշւապահութեան դրամարկի և միւս գործերի ստուգումով պարզած թերութիւնների աւիթով վերաստուգիչ յանձնաժողովը ցուցմունքներ է տալիս վարչութեան, նրա թոյլ տւած՝ սխալ կամ Միութեան չահերին անհամապատասխան գործողութիւնների մասին: Միութեան գործերում աւելի էական անկարգութիւններ կամ զեղծումներ պարզելու դէպքում վերաստուգիչ յանձնաժողովը հրաւիրւում է ներկայացուցչիների արտակարգ ժողով (§ 32):

§ 60. Վերաստուգիչ յանձնաժողովի դէմ եղած գանգատները ներկայացւում են ներկայացուցչական ժողովին, բայց ոչ այլ կերպ քան յանձնաժողովի միջոցով, որ պարտաւոր է ներկայացնել այդ մօտեկայ ժողովին իր բացատրութիւններով հանդերձ:

§ 61. Միութեան մարմինների հետ կապւած հսկողութեան ու քննութեան պարտականութիւնները կատարելու ժամանակ քննութեան ենթարկուող վարչութիւնը և Խորհուրդը պէտք է աջակցեն վերաստուգիչ յանձնաժողովին, բաց անեն նրա առաջ հաշիւներն ու մատեանները և թոյլ տան ծանօթանալ Միութեան բոլոր գործերին ու հիմնարկութիւններին:

VI. ՀԱՇՎԱՊԱՀՈՒԹԻՒՆ Ե ՀԱՇՎԵՏՈՒԹԻՒՆ

§ 62. Միութիւնը պարտաւորեցուցիչ կերպով պահում է մատեաններ, որոնց մէջ մտնում են՝

ա) Միութեան բոլոր շրջանառութիւնների վերաբերեալ ընդհանուր մուտքը ու ելքը:

բ) Միութեան շրջանառութիւնների իւրաքանչիւր տեսակի համար առանձին մուտքի ու ելքի հաշիւ:

գ) Միութեան հաշիւներն առանձին իւրաքանչիւր անձնաւորութեան և հիմնարկութիւնների հետ:

§ 63. Իւրաքանչիւր փախւած տարւայ վերաբերեալ՝ վարչութեան կողմից կազմուած է ներկայացուցիչների տարեկան ժողովի քննութեան ու հաստատման ներկայացնելու համար տարւայ մանրամասն հաշւետութիւնը Միութեան գործողութիւնների և նրա շրջանառութիւնների, հաշւեկշռի ու գործողութիւնների նախագծի մասին:

§ 64. Միութեան հաշւետութեան տարին համարուած է յունւարի 1-ից մինչև գեկտեմբերի 31-ը:

§ 65. Հաշւետութիւնը իր մանրամասն մեկնութեան մէջ պէտք է պարունակէ հետևեալ գլխաւոր յօդաձևերը՝ 1) գանձարանի հաշիւը, 2) գոյքի և անշարժ կայքի հաշիւը, 3) գրամագլխի հաշիւը հիմնական բաժնային և այլն, 4) դանազան անձնաւորութիւնների, Միութեան պարտքերի և Միութիւնից գանազան հիմնարկութիւններին հասանելիք պարտքերի հաշիւը, 5) Միութեան գործերի համար կատարած ծախսերի հաշիւը, 6) օգուտների և վնասների հաշիւը, 7) վերջնական հաշւեկշռի հաշիւը և 8) մաքուր օգուտն ու նրա օրինակելի դասաւորումը:

§ 66. Հաշւետութիւնը պէտք է կազմւի ոչ ուշ, քան յաջորդ տարւայ մայիսի 1-ը և ստորագրուած պիտի լինի վարչութեան և վերաստուգիչ յանձնաժողովի կողմից: Այս գործողութիւնները պիտի կատարեն առնուազն հերթական ներկայացուցչական ժողովի գումարումից երկու շաբաթ առաջ: Այդ երկու շաբաթուայ ընթացքում մատենները և վաւերագրերը վարչութեան գրասենեակում որոշ ժամեր պէտք է տրամադրեն ներկայացուցիչների հայեցողութեան:

VII. ՕԳՈՒՏՆ ՈՒ ՎՆԱՍՆԵՐԸ

§ 67. Մաքուր օգուտը, դուրս հանած դրանից ոչ պակաս, քան 20%, պահուստի և ոչ պակաս, քան 10% սեփական հիմնական գրամագլխիների աճեցման համար, ներկայացուցիչների կողմից բաժանուած է ա) անդամներին, իրեն սպասողական օգուտ և բ) յատկացնում է ներկայ կանոնադրութիւնից բխող միւս նպատակներին ընդհանրապէս և յատուկ ֆոնդեր ստեղծելով: Սպասողական օգուտի չափը որոշուած է ներկայացուցչական ժողովի կողմից:

§ 68. Միութեան անդամի սպասողական շահը տրւում է հաշւետութիւնը հաստատելուց յետոյ երեք ամսւայ ընթացքում:

Մանօթուրիւն.— Ներկայացուցչական ժողովը կարող է որոշում կայացնել յատկացնելու օգուտը միութեան անդամների փայերի վճարներին, չյանձնելով նրանց ձեռքը, բացառութեամբ այն դէպքերի, որոնք ցոյց են տրւած § 19-ում:

§ 69. Միութեան շրջանառութիւնների վերաբերեալ առաջացած ֆաւոր ծածկում է պահուստի և հիմնական գրամագլխից: Եթէ այդ միջոցով ֆաւոր չըծածկւի, ներկայացուցչական ժողովը պակասող գումարը պէտք է բաժանի միութեան և նրա անդամների մէջ պարտաւորեցուցիչ փայերի վճարների գումարի համաչափութեամբ (§ 12), վճարման ժամանակամիջոց նշանակելով

ոչ ուշ, քան տարւայ վերջը: Չվճարելու դէպքում վարչութիւնը պահանջում է վճարող անդամից հասանելիք գումարը կամ նրան պատկանող գումարով ծածկում է վեր յիշած բաժանումից այդ անդամին բաժին ընկած գումարը:

VIII. ՄԻՈՒԹԵԱՆ ԼՈՒԾՈՒՄԸ

§ 70. Միութիւնը լուծման է ենթարկուած՝ ա) ներկայացուցչական ժողովի որոշմամբ, բ) եթէ միութեան կազմի մէջ կլինեն երեքից պակաս անդամներ և գ) անանկութեան դէպքում:

§ 71. Միութեան լուծման հարցը առաջ դալու պարագաներում վարչութիւնը պարտաւոր է անմիջապէս գումարել ներկայացուցչական ժողով, որը որոշում է կայացնում միութեան լուծման (լիկվիդացիայի) վերաբերեալ կամ միջոցներ է ձեռնարկում վերացնելու այն պայմանները, որոնք առաջ են բերում լուծումը:

§ 72. Միութեան լուծման համար պահանջում է, որ այդ մասին եղած որոշումը հաստատուի հրկրորդ անգամ նոյն նպատակով գումարած ներկայացուցչական ժողովի կողմից ոչ շուտ քան մի ամսից յետոյ և ոչ ուշ քան առաջին որոշումից մի տարի յետոյ, այն էլ ոչ պակաս քան ձայների $\frac{2}{3}$ -ի մասով:

§ 73. Միութեան լուծման հարցի մասին (§ § 71 72) ներկայացուցչական ժողովի կայացրած որոշումը յայտնուած է շրջանային դատարանին և յայտարարուած տեղական լրագիրներից մէկում:

§ 74. Միութեան լուծման դէպքում § 70 ա. և բ. կէտերի հիման վերայ լուծումը կատարուած է վարչութեան կողմից, եթէ ներկայացուցչական ժողովը չի յանձնարարի այդ աշխատանքը յատկապէս ընտրւած՝ ոչ պակաս քան երեք անդամից բաղկացած լուծողների մարմին:

§ 75. Լուծողները ենթարկուած են վարչութեան անդամների համար հաստատուած ընդհանուր կանոններին, նոյն հիմքերով պատասխանատու են միութեան հասցրած վնասների համար ու նոյնպէս ենթարկուած են վերըստուգիչ յանձնաժողովի հսկողութեան:

§ 76. Լուծողները հրաւիրուած են միութեան պարտաւորեցումներին յայտարարութեան և հրաւիրագրի միջոցով, միջոցներ են ձեռք առնում նրանց բաւարարելու, վաճառում են միութեան կայքը ու մտնում համաձայնութեան մէջ և հաշտեցուցիչ պայմանաւորումներ կազմում երրորդ անձնաւորութիւնների հետ այն հիմքերով ու սահմաններում, որոնք ցոյց կտրեն ներկայացուցչական ժողովի կողմից:

§ 77. Միութեան բոլոր պարտաւորագրութիւնները ծածկելու համար, եթէ նրա կայքը եղաւ պակաս, լուծողները գործում են համաձայն միութեան անանկութեան պարագայում նրա անդամների պատասխանատուութեանը վերաբերող օրէնքի յօդաձևերի («Կօօպիրատիւ ընկերութիւնների և նրանց միութիւնների կանոնադրութեան» յ. յ. 49—51):

§ 78. Միութեան անդամներին բաժին ընկած վնասները դուրս հանելով նրանց փայերից, մնացորդը կարող է վերադարձւել միութեան պարտքերը ծածկելուց և լուծողների հաշւետութիւնը ներկայացուցչական ժողովի կողմից

հաստատելուց յետոյ, պակաս յամենայն դէպս, ոչ չուտ քան մի տարուց յետոյ, հաշւած այն օրից, երբ յայտարարւած է լուծման մասին:

§ 79. Միութեան պարտքերը վճարելուց և անդամների փայերը վերագարձելուց յետոյ, ֆնացած կայքը գործադրում է կօօպերատիւ և այլ հանրօգուտ նպատակներով՝ ներկայացուցիչների լուծող ժողովի որոշմամբ:

§ 80. Լուծումը վերջացնելով, լուծողները կազմում են իրենց գործողութիւնների մասին հաշւետւթիւն, որը ներկայացնում են վերաստուգիչ յանձնաժողովի եղբակացութիւններով հանդերձ ներկայացուցչական ժողովի հաստատման: Լուծման հաշւետւթիւնը հաստատելուց յետոյ այդ մասին յայտնում է շրջանային դատարանին՝ կօօպերատիւ ընկերութիւնների մատականի մէջ համապատասխան արձանագրութիւն կազմելու համար և «Սենատի յայտարարութիւնների» մէջ ծանուցելու նպատակով:

Լուծողները Միութեան մատեանները, գործերը և վաւերացրած յանձնում են շրջանային դատարանին, որը և պահում է տասը տարւայլնութացքում, թոյլատրելով Միութեան նախկին անդամներին և նրա պարտատէրերին ծանօթանալ նրանց բովանդակութեան հետ, տալով պատճէներ, քաղածքներ ու տեղեկութիւններ:

2013

<< Ազգային գրադարան



NL0043589

«ՄԱՍԻՔԻՆ» ԱՅՁ Է՝

ՀԱՅԱՍՏԱՆԻ ԱՊԱՐԱԴԱՏԱՐԱՆԻ ԱՎՈՐՈՐԴԱԿԱՆ ԹՐԻԲՈՒՆԱԼ

„ՀԱՅԱՍՏԱՆԻ ԿՕՊԵՐԵՅԻՆ“

ԵՐԿՇԱԲԱԹԱԹԵՐՈՒ

ԲԱԺԱՆՈՐԴԱԳՐՈՒԹԵԱՆ ՊԱՅՄԱՆՆԵՐԸ

Տարեկան — 100 թուրքի, Վեց ամիսը — 60 թուրք, և համար 10 թուրքի
ամեն տեղ:

Արտատպան — Կրկնակի:

Հասցեն, Երևան, Խմբագրության / Հայաստանի / Կոօպերացիայի - ի

